



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS
*manè discutienda, in Scholis Medicorum, die Martis vigesima-
prima Maii, anni M. DCC. XLIII.*

M. LUDOVICO-HIERONYMO COSNIER,
Rei Herbariæ Professore, Doctore Medico, Præfide.

An omni sexui, omni aetati & omni temperamento salubris Caffè potus?

I.



ERUM complurium, apud Medicos, misera fors! Pleræque
sub uno novitatis titulo, aut alicujus præjudicata: opinionis er-
rore penitus abjiciuntur, tradunturve contemptui; efficacioris
licet virtutis dono ab auctore naturæ insignite. Plurimorum,
etiam in arte peritorum culpâ sæpius id evenit infortunii. Qui-
bus hæc efficacia tutò & certò comperta est, ii vix quemquam
trahere possunt in consensum. Ad cognoscendam medicamentì
aut alimenti virtutem, sola vincit experientia millies ut ita dicam, & millies ite-

A

rata; sola enim os obtrudit neganti, sola introspectienti oculos aperit. Tulit hanc sortem multis abhinc sæculis, semen quoddam exoticum Caffè dictum apud Batavos Anglosque; Caffè verò apud Gallos. E felici Arabiâ suos olim duxit natales; ex Arabiâ quoque tanquam ex primario fonte, ejus oriundus usus. Ab Arabibus Medicis cognita primò vis illius & virtus; quam edocti Arabes, Ægyptios edocuerunt. Hinc Africa, novitatis plurimum avida, fuffultaque aliorum imprimis experientiâ, tota paulatim illius seminis infuso aut decocto indulsit. Eundem usum protinus arripuit vicina quoque Arabiæ gens integra. Turcarum. Hic potus illis, loco vini, quo interdicuntur, unum quasi solamen est, & in deliciis habetur; habetur & Asiaticis, Americanis, & toti jam nunc ipsi Europæ; imò totus orbis, illius odore & fumo hodie in integrum fermè perfunditur, suavi illius allicitur sapore, ejusque licet amaro recreatur potu, tanquam stomacho & cordi nunquam non blandiente, totiusque œconomix animalis favente bono & utilitati; quasi reipsâ verum esset id cordi suavius existere quod palato amarum; & verò, ipso suo amarore, stomachi fibras languentes fuscitat; ipsius nervos; & per consensum, totius corporis & præsertim cordis, erigit, latificat; unde illi robur magis indefinens ad terendum sanguineum liquorem. Nil mirum ergo si vires addat Caffè potus, cum roboret partes nerveas; nil mirum pariter si stomacho amicus extiterit, cum illius tonum firmet, motum augeat; at augeat amicè, pacatè, non tumultuosè. Evolvit vim succi gastrici qui instar fermenti est aut menstrui quo penetrantur alimenta, attenuantur, resolvuntur, digeruntur. Resolvit & ipsa eadem alimenta, sese cum iis immiscendo, sociando, & quasi coadunando per omnes vias chyliferas, indeque per integrum massæ sanguinæ fluentum, unâ semper & ubique commeando. Favet ergo digestioni. Porro quis inficias ibit, id omne quod alimentis digerendis, omnimodè per se conducit efficaciter, corporis partibus roborandis illud idem inservire debere? Quinam sexus, quanam ætas, quodnam temperamentum cui natura non dictaverit, primam ad sanitatem viam, unam esse digestionem, eamque laudabilem & perfectam, quantum licet fieri aut exoptari? Mirabilis potus qui hanc potuerit promovere feliciter! Omne hac in re tulisse punctum, quis non confiteatur lubens? Quid, si non refragetur illius, etiam antiquior usus? Quid, si experientia iterata hunc comprobaverit usum? Quid denique, si illius adjumento, chylus tenuior; subtilior, puriorque hinc factus, ejus tandem naturæ fiat & indolis, ut succi alibilis characterem, loco deperditi, feliciùs induat, fiatque vasorum & viscerum continuo motui accommodatior, eorum obsequiosior tritui, ita ut minima, solidissima compactaque magis, totius corporis, permeare, irrorare, nutrire denique faciliùs queat, & uberiùs, unde corpori & expectandus vigor.

I I.

PROQCUL hinc quæ de ortu seminis Arabici Caffè dicti, sæculo elapso commentum sunt plurimi tum Mercatores, tum Historici, tum Medici. Certò competentum esto arborem esse quam prima tulit Arabica tellus, solius auxilio naturæ non artis; favente quidem solo; sed plurimum favente solis aspectu. Ars deinde hanc educavit plurimis in regionibus, qualis è ditione Batavorum, colonia Surinam; quales pariter & Gallorum plurimæ; testes insulæ Bourbon, Martinica, Sandominicana; testis Cayenna; testis & ipsa urbs Mochâ; totius Arabiæ, quin imò totius Europæ velut emporium, è regione cujus & viciniâ vegetum magis, magisque maturum, adeoque viribus ditius ad nos devchitur semen. Arbor quæ gaudet hortus ipse Regius Parisiensis, curis & arte industriâ illustrissimi Collegæ.

nostri de Justieu educata, folia fert lauri foliis non omnino dissimilia, molliora tamen, nec ita obscurè virentia, nullatenus aut parùm odora. E foliorum alis nascuntur flores monopetalii albi, ad jasmīni petalum accedentes, suavisque odoris. (a) lis delapsis, paulatim exurgit fructus qui è viridi sensim rubescit, subfusculusque tandem cernitur maturitatem adeptus. *Substantia illi carnea, inquit, Collega noster, subrubra, paululum viscosa, sapore ingrato, quæ exsiccata, fit gravior.* Illà ut plurimum amicitur gemina Capsula, geminum semen involvens. Hujus seminis figura jam vel pueris notissima, convexa scilicet ex unâ parte, quasi plana ex altera, in medio fulcata; huic semini color album inter & pallido luteum, nonnumquam modò magis modò minùs viridiusculum, pro regione scilicet in quâ nascitur, pro arte quâ exsiccaturum est, prout etiam ex æquo maturuit. Optimum asseritur ex Mochâ; si probè selectum, subcitrinum est & leve, nec crassius: crassius verò & albidius, graviusque illud quod è Martinicâ asseritur. Viridius tandem & tenuius quod crescit in insula Bourbon, saporis sæpe quasi rancidi, ob plurima semina immixta, imperfectè matura, nec apprimè desiccata. Eodem ranciditatis vitio aut alterius saporis ingrati inficitur semen ex insulis Martinicâ & San-dominicanâ; quare omnes hæ Caffè species vilioris sunt pretii quàm ea quæ ad nos ex urbe mochâ advehitur, utpote quæ opportunè matura siccaque (& saporis non ingrati amari;) nec non ad farinaceam quasi substantiam facilius accedens, saltem semi torrefacta; cruda enim, durior & callosa nimis ut teri possit. Quæcumque Caffè species oleo non turget tam intus quàm extus statim ut dextrè & aptè torrefacta est, malè audit apud Caffè potatores; unde ait Dominus Gayant, (b) *eligatur semen pinguius graviusque, nec aqua madidum marinâ quâ sæpius diuturniori inficitur itinere; nec immerito;* » tantam enim olei quantitatem continet ut ex eo semine, etiam crudo & duro, » majorem olei clari (quàm ex cogitari posset) copiam elicere solâ vehementi expressione poterit, Camerario (c) teste, Leuvenoeckius, Imò, texturâ hujusce feminis ab ipso perlustratâ mediante microscopio, illi non nisi spongiosa compa- » ruit, & ex ramosis in se invicem constans particulis; cavitatibus, multis in locis, » oleo oppletis; oleumque illud, visu, clarissimè conspiciere potuit. Unde ultrò » patet, inquit, cur fabæ istæ non possint redigi in farinaceam substantiam nisi » priùs sint tostæ & perustæ; torrendo enim, multum olei absumentur igne, & » ramose particula, confidendo, sunt debiliores ficioreque & magis friabiles aut » saltem tritui obsequiosiores. » De hujus fabæ seu seminis delectu, si quid quæras magis certi, coloris ne fidas omninò, nec ponderi aut tenuitati. Selectum tibi sit illud solummodo semen, quod dextrè torrefactum, suavis sit odoris, saporisque jucundè amari, absque acrimoniâ & ranciditatis vel minimo sensu, aut alius cujuscumque saporis pravi quo donantur quædam Caffè species, etiam ex Mocha non selectæ. Quare omnes masticatione semper prudens explora, tum crudas, tum tostas. Crudum Caffè semen sapore dulcescat, inquit, Straussius, cum pauco amarore, nullamque acrimoniam præ se ferat. *Avicenna citrinum eligit semen & leve, bonique odoris; album & grave, malum* pronunciat. Rauvolfus etiam sic ait de integris Caffè fructibus, allatis ex Indiâ, *Intus duo tenent grana flavii coloris, in capsulis duobus diversis inclusa.* Historiam arboris, florum & fructuum ad nativum depictorum, quærat Botanices curiosus, in thesi (d) à laudato Collegâ nostro eleganter conscriptâ. De hac arbore sic loquitur Alpinus in Historiâ plantarum Ægypti. » Arborem, inquit, ipsum semen ferentem vidi in halybei Turcæ viridario, ex Arabiâ delatam quæ Evonymo maxime similis erat; » sed tamen folia habebat crassiora durioraque & perpetuò virentia. Semen autem » ait, Bon & Ban vocant Ægypti & Arabes; decoctum verò Chaubè dicitur

(a) Quæ de cau-
sâ à Doctore de
Justieu planta
dicitur jasmī-
num Arabicum
lauri folio, cu-
jus semen apud
nos Caffè dicitur.
Commentariis
R. scient. Acade-
miæ.

(b) In thesi an
à frequentiori
potu Caffè, vita
brevior? die Jo-
vis 21 Martii
1715.
(c) Camerarius
de usu & abusu
potuum.

(d) Literariss-
ne salubris Caffè
usus? die Jovis
20 Aprilis 1745.

„apud Turcas, „ qui, referente Rauvolffio, eo quamfrequentiffimè utuntur pro-
potu quem magni æftimant, quique, colore, atramentum æmulatur.

I I I.

JAM nunc & apud nos nulla forfàn Caffè vulgatioꝛ mēces; inter omnes faltem
exoticas! Adeò crevit ejus fama; adeò crefcit in dies ejus decocti vel infuſi
uſus & amor! Nullus brevi plebeius quem non allicit oblectetque vel ejus odor
aut fumus. Inter mulieres nulla, quam non delectet amaror ejus. Quin imò, vino
plus æquo madidis præſens jamdiu medicamen eſt; gulofiſi verò & carnibus ſa-
ginatis extra vires, auxilio eſt potio nigra, & eò quidem iſſis utilior quò ama-
rior; procul enim tunc ſaccharum & dulcia quæcumque vel lactea quibus citiùs
aceſcerent alimenta, aut alio quocumque corrumpentur modo, ruſtuſque ni-
dorofi aſſurgerent moleſtiores. Ventriculus ſic cibo pleniori reſertus, ſuaviùs af-
ſicitur recreaturque liquoris amari præſentiâ; alliciuntur blandiori titillatione ſpi-
ritus; quibus copioſius affluentibus, ventriculi motus augetur: adaucto nempe
ejus fibrarum tono, gravant minùs in ejus fundum alimenta; ipſaque ſalibas
volatilibus hujusce liquoris imbibita, faciliùs ſolvuntur, ſubiguntur unâ cum ven-
triculi ſucco lymphatico, ſalivâ æmulo; ſic præcipuum inchoatur perſciturque
digestionis opus; illud quaſi manu dirigente ſtomachi continuo motu ſine quo
nec intimè reſolvi miſcerique inter ſe, nec pelli in inteſtina, alimentis unquam
daretur. Boni quid non pollicetur ſi aureâ mediocritatis legibus aſtrictus, cibos
ventriculo, pro viribus ejus conceſſeris, eumque infuſi vel decocti Caffè, ſalubri
recreaveris potu? Firmat ventriculum digeſtioni exequendâ habiliorem factum;
reddit & inſuper chylum dilutiorem, levioꝛem, ditioꝛemque ſpiritibus; unde tu-
tior pleniorque ejus tranſcolatio per inſenſilia inteſtinorum cribra, unde ſelicioꝛ
ejus diſtributio per chyliferas vias omnes. Hoc modo reſectus ſanguis, & ad om-
nia ſimul munia obeunda factus habilior, ſecretionibus functionibuſque totius
œconomix animalis abundè ſufficit; ſuppeditat ſubſtantix corticali ſanguinem
lymphamque tenuiſſimam, ex qua ſpiritus ipſos, ſecernendo, quaſi ſugit ſubſtan-
tia medullaris, ſpirituum promptuarium inexhauſtum, unde vis omnis & omne ro-
bur corporis; quid mirum igitur ſi digeſtionem juverit rectus Caffè uſus, imò
ſi cerebrum firmaverit, hincque memoriâ, faciliſque perceptionis & recti ju-
dicii facultate quæcumque ditaverit Caffè potatorem? Teſtes viri innumeri vi-
giliarum laborumque facilè & impuñe (illius auxilio) patientes, quales omnes
quos urit ſtudioꝛum & meditationum nobilis ardor. Caffè potione profeſſò ad men-
tis & corporis officia melioꝛ promptioꝛque moveberis, ait clariſſimus Matheus Thuil-
lier, *b ſpirituſum fovet ſyſtema, alitque alacriùs, ac munia functionum ſi que de-
pravata torpent, exſuſcitât, habitum corroborat.* Ne dubites igitur quin ſanum fir-
met, valetudinarium ſapius reſtituat; atque haud ſcio an quo „ noſtro ævo, fre-
quentioꝛ eſt Caffè uſus, eò rarioꝛes non ſint chronici morbi complures? Morbi
ſcilicet ab obſtructione oriundi, morbi ab crethiſmo & ſpaſmo ortum ducentes,
quales morbi hypochondriaci quamplurimi, morbi litteratoꝛum quaſi pediſſequi.
cateroꝛumque omnium ſtudioſoꝛum, quin & otioſam vitam agentium? Illius uſu
quot pacantur morbi ſexum tam frequenter cruciantes, quales hyſterici ſerè om-
nes, chloroſis & icterus in pluribus nondum menſtruatis virginibus, quibus Caffè
uſus ſemel aut bis in die cum aquâ copioſâ inſimul hauſt, tutò pellit urinas,
pellit & menſtrua? quotiès colicos obſervavit dolores, aut hepaticos, è veficulâ
nempe fellèâ nonnunquam oriundos ob præpeditum bilis effluxum; craſſioꝛe ſci-
licet exiſtente bile „ aut veficulâ nimium ſpaſmicâ factâ? Evocat & cæteris mulieribus:

(a) Hujus ſe-
minis vires pro-
fectò non exi-
guæ inquit Do-
minus Gayant,

b in theſi an
potus Caffè cum
lacte ſalubrior,
1697.

suppressos aut imminutos menses. Testis Prosper Alpinus: * *Mulieribus ad evocandos menses presentaneum est remedium, apud easque in usu est frequentissimo; quibus diminutè fluentibus, ejus decocti probe calentis multum epotant, paulatim modicum sorbentes; sic enim in usu est apud omnes, ut paulatim ipsam deglutiant. Quid plura? Testis & ipsius Alpini praxis, Cum ego, inquit, animadvertissem mulieres, quibus cœperim fluere menses, ad eos adjuvandos, de eo calidiori decocto semper paulatim multum sorbillare, apud illasque omnes ad juvandam eam vacationem, in usu esse frequentissimo, capi, illâ perdoctus experientiâ, in omnibus illo uti quibus aliquam ob causam, earum purgatio menstrua destitisset; quodquidem felicissimè multis evenire vidi; ex indeque didici hoc genus remedii pro evocandis menstruis ab uteri venis obstructis, esse præstantissimum; post universalem tamen corporis vacationem, manè, jejuno stomacho, istud decoctum assumptum, efficacissimè menses provocat; temporeque quo multis jam vehementibus doloribus minuta, difficulter exeunt, eis presentaneo est auxilio. Sic se habet familiaris usus apud omnes Ægyptias, Arabesque mulieres. Quid igitur mali metuas si hæc eadem nostras quoque mulieres edocueris? Nonne jam & apud hystericas mulieres, & viros hypochondriacos non paucos, is est feminis Arabici usus benignus ut dum torrefit, teritur coquiturque solâ salino-sulphurearum circumundique præ tenuitate volitantium particularum evaporatione, mirè alleventur ab hysterics insultibus aut hypochondriaciis; adeò verum est nigrum pulverem nostrum vi gaudere antispasmodicâ, imò vi antiepilepticâ, si rectus à Medico, ejus dirigatur usus; usus autem modò cum aquâ solâ, modò cum lacte; his cum lactis mediâ parte; illis cum lacte sincero & integro, melius cum solo cremore. Nonnullis in aquâ antihystericâ ad antiepilepticâ ad mentem medentis; plurimis prodest naribus attractus in modum tabaci; nonnunquam etiam huic pulveri immixtus & fociatus. Quid plura, quot miseri ægrotantes quibus tutò nunquam licuit Pharmacum haurire purgans, quod paulo post non revomerent, quibus tandem factò priùs pulveris nostri decocto, & inibi solutis aut infusis purgantibus medicamentis evanuit omnis nauzea, & omnis vomitus; aut eo propinato statim ab exhaustâ portione catharticâ?*

* Lib. de Med.
Ægypt. & de
Plant. Ægypt.

I V.

CONFICIENDI modum seu parandi è senine arabico potum salubrem; eundem ne credideris in quâcumque regione. Torrefit quidem apud omnes; infunditur ab omnibus vel coquitur torrefactus pulvis. Ast aliis intensius torrefacere consuetudini est, aliis remissiùs torrefacere satius censent, alii decoctum vel infusum colore & tincturâ magis saturatum, alii minùs exposculant; adeoque alii aliam pulveris dosim necessariam autumant esse ad eandem aquæ quantitatem, adhibendam. Apud Turcas binam ad usque unciam in aquæ librâ unâ, levissimâ decoquendam jubent ebullitione; quâ illicò ab igne remotâ, linteis aquâ frigidâ madidis vas circumvestiunt; quo factò, citiùs ruit ad fundum pulvis crassior; decantatum statim liquorem sic ferventem hauriunt, partitis vicibus, pauxillo sacchari admixto. Residuum pulverem jam leviusculè coctum, coctioni de novo tradunt; inde, aiunt, longiori iteratâ coctione extrahitur oleum quo plurimum turget pulvis; oleosum hoc decoctum, novo cum pulvere, cujus idcirco non imminui dosis debet, subjiciunt igni quo extrahitur pars subtilior, oleo irretita, adeoque palato blandior, accommodatior stomacho & pulmonibus. a *Asthmaticos liberat, redintegrat phthisicos. Laxam pulmonum compagem suo amatore firmat ac durat; arctam & asstrictam laxat suâ dilectione, non denegat præsertim sacchari quantitate mediocri. Hac methodo pacatus è Caffè potus, massam sanguineam non*

(4) Matthes
Thuilleier.

ita acriter exagitat, cerebrum minus impetuosè ferit; alluit molliùs blandiùsque ventriculum aliaque viscera. Hujusce liquoris aqueo-amari subtiliores partes, cave ne, comparando, confundas cum spiritibus ardentibus in hacce nostrà regione tam decantatis. Hos dicito lethiferos spiritus aut aquas mortis; illas verò salutiferas, & vitæ longiori producendæ aptissimas, utpote quæ nonnihil alkalino-quidam volatiles sed oleosis plurimùm permixtæ & aqueis dilutæ copiosius, non respuunt nexum cum alimentis intimiorem lenioremque, & absque tumultu; quibus sociatis, solvi se & digeri faciliùs patiuntur alimenta. E liquoribus autem jam fermentatione evectis, ignis vi elicit spiritus, & toti quasi ignei sic facti, fibras aut acutè pungunt nerveas crispantque, aut igneà vi durè torquent & propius urunt, indurantque alimenta, nedum solvant. In hac verò nostrà regione hic invaluit usus ut ad unam aquæ serventis libram una pulveris tosti uncia adhibeatur infundenda vel decoquenda. Hoc pulveris pondus è semine Mocha, uni aquæ libræ sufficienter imprægnandæ, non impar quidem est. Aliæ Caffè species, etiam apprime selectæ, id ponderis respuunt, utpotè debilioris; eas virtute infirmiores, quotidiana agnoscit experientia. Quantitas igitur vim compensef necessarium est, donec in suâ quæque regione feliciùs educatæ arbores, perfectius suppeditaverint semen, & ex æquo maturum legere didicerint incolæ. Pulvis è semine Mocha infusus per quadrantem in aquâ bulliente, vase accuratè clauso, laudem meretur suam; levis prævia coctio, magis imprægnatum præbet potum. Qualibet alia species longiorem expostulat coctionem. Quò quidem coctior, eò saturatior est tinctura, suaviorque palato, magnamque tunc respuunt sacchari quantitatem; minùs enim amara quàm si paululum cocta aut infusa solummodò fuerit. Rationem postulas? Longior coctio extrahit partem mediam quæ oleosa multum, proinde amara minùs, Caffè semen opportunè torrefactum & optimè pulveratum, triplici constat substantiâ, quæ ignis opus est, quemadmodum quæ triplex in vino detegitur, fermentationis est fetus; una scilicet quam summam meriò vocat Becquerus, seu volatiliorem; altera infimam, seu crassiorem & tartaream; tertiam tandem mediam appellat, sive partem extractivam quâ nempe omnia constant extracta, ut extractum Rhabarbari aut Juniperi, in quibus dissipatæ partium volatiliorum parte præcipuâ sola ferè remanet pars media; rejectâ scilicet infimâ seu crassiori. Ita, tosto semine arabico, crudoque & inerti discusso phlegmate, cum acidis volatilibus & olei subtilis quantitate non mediocri, ut testatur longè latèque diffusis odor suavis, (a) igne evehitur substantia superstes partimque acido alkalino-volatilis fit, aut oleosa, aut oleoso terrestri. Fervens infusio in ocluso vase facta, partem elicit imprimis volatilentem seu summam, cui præcipuus amaror inest; oleosam verò pro maximâ parte extrahit coctio longior, crassiori relictâ & terrestriori; hac rejectâ, mediâ utere & superadde novum pulverem eadem quantitate ac priùs, suppeditabit coctio tincturam longè saturatiorem ventriculo amicam ob partes volatiles, oleosis copiosioribus intricatas & intermixtas, (b) adeoque viscera minùs deurentes; imò sæpius vi laxativâ præditas, oleo sic arte & industriâ facto potu, sicque parte mediâ copiosè saturato, quâ suam imprimis exe-runt vim Catharticam plurima purgantia. De virtute Caffè laxativâ, idem innuit Mattheus Thuillier. Porro *aleum siccam humidat, lenit, atque leniter citat*; facto præcipuè, ejus cum lacte connubio illiusve cremore. *Potionem*, inquit, *ex*

(a) Sub ignis torturâ particule ejus misè alterantur, combinantur, ipsaque structura intus recluditur ab igniculis, partemque ita comminuantur, ut promptè hinc pulvis fervidum tingat aquam, ipsique vires incidendi, attenuandi, decolandi, acidâ imbibendi, corrigendi, superaddere queat, Cameracius de usu & abusu potuum.

(b) Ex Analyti D. Geoffroy, uncia XXIV. pulveris ter-sidui post decoctionem suppeditantur distillatione, olei uncias VII. aut circiter. Unde concludit semen Caffè suam potissimum debere energiam oleo, cum portione non mediocri siliis volatilibus utinop conjuncto. De mar. Medicâ tom. II.

utroque attemperatam, omni ætati ac sexui, valenti atque infirmo, securius propinabis. Manè imprimis & jejuno stomacho, non autem indigestis acidisve scatente alimentis à præviâ lautiore cœnâ, aut ab aliâ quâcumque causâ; tunc enim ventriculus nonnisi potui amaro, cum simplici aquâ parato, inhiat. Id cum lacte conjugii genus respuit post prandium potus noster, ni fortè illud facilè ferat ventriculus vino inassuetus, aut etiam expostulet illius exquisitior sensus, vel potius nostri stimulus acrior in delicatulis, cæterisque nativâ temperie, aut victu, in sanguinis phlogosim proclivioribus; neque enim omnibus; idem semper eodem modo paratus, eademve assumptus quantitate, competit. Probet igitur seipsum quisque cautus & prudens qui longævus exoptat dies. Amerior illi; huic lacte aut saccharo vel melle selecto temperatus; à cœnâ nonnullis absque temeritatis metu propinetur: post prandium ferè omnibus merè aqueum concesseris.

V.

ANXIUS si forsân adhuc hæreas utrum stomacho sit tam aptè congruum Caffè semen, utrum digestioni adèdè feliciter conducatur, utrum denique robor addat corpori & vires, vulgi quidem ne fidas opinioni non infrequenter præjudicatæ; imò ne uni aut alteri recentiori Medico assentiaris obsequiosior. Merum extollit supra cælos vini potator; innumeras & secum ferre vires clamat quisquis Caffè plus æquo avidus. Ast perpende quot millia hominum non in Gallia, non in Germaniâ, non in Europâ solùm aut Americâ, sed in ipso toto terrarum orbe, cum emolumento utantur Caffè potu; non ab annis decem aut triginta, non ab annis centum; sed ab ipso vivente inter Arabes doctissimo Rhafè, sed ab ipso Avicennâ. Huic, fabæ Arabicæ notissima virtus; illi nec incognita. Caffè semen *buncum* vocat uterque, quod stomacho congruum existens (ait Rhafis) mali etiam sudoris odorem incidit & aufert. Est bonum stomacho (inquit Avicenna) membraque confortat. Mundificat cutem & exsiccat humiditates qua sunt sub eâ, & facit odorem corporis bonum. In frequentissimo est usu apud Ægyptios Caffè decoctum chaova appellatum, narrante Alpino, si quidem ipso ventriculum calefieri & roborari, apud eos compertum est; non minisque etiam viscerum obstructions tolli quotidie experiuntur; utuntur ejus decocto ad juvandam concoctionem; utuntur in tumoribus hepatis lienisque frigidis, & antiquis obstructionibus, feliciori jam successu. Docuit idem Avicenna. Hæc tibi inexperto non faciunt satis, Rauvolfium audi, abusum Cossi, & nos non minus, cum Simone Pauli, improbanus quàm vini abusum; usum vero retinemus, cum compertum habeamus multos à potu Cossi medicè & debite, manè nempe jejuno stomacho, cum pauxillo sacchari sumpto, bene habere, & feliciter experiri potum illum stomacho prodesse, Catarrhos sistere, totumque roborare corpus; concludimus itaque, inquit, cum Veslingii præstantissimi effato, Europæis hoc medicamentum non esse inutile aut noxium; quantitate nempe cuique servatâ pro viribus, pro ætate, pro temperamento, & in sexu, pro variis circumstantiis. Quod igitur tam certò concoctionem juvat, quod ita omne roborat corpus; id omni temperamento, omni ætati, & omni sexui directè competere necessariò concludas. Nec ætatem infantilem credas excipi ab amari feminis decocto. Pulicula infantum unum adde illius aut alterum Cochlear; aut hauriendum præbe post exhaustam puliculam, aut à nutriticibus nonnunquam hauriri jubeas. Hac cautione præcautum digestionem, unde malorum omnium ilias, præcavebitur; obstructionibus occurreretur mezenterii nec non hepatis infarctui, quo secretio præpeditur bilis, quâ præpeditâ, chylus eâ non alluitur, non dividitur, non attenuatur; unde chyli transcolatio pauca crudaque, & illius in intestinis copia major super-

stes, malè subacta, brevì corruptenda, & pertinacioris alvi astrictiōis fons aliquando & prima causa, quæ non semel diris dedit ansam convulsionibus. Occurres rachitidi imminenti, præsentem sanabis. Occurres denique vermibus infantum, quos enecat suo amore, & impedit quominus enascantur in eorum chylo quamvisissimè nimium acido ob vini acescentis copiam, aut fructuum sapientiū immaturorum, aliorumve hujus farinæ alimentorum quæ pestis infantum, & innumerorum morborum causa esse consuevère. Dentitioni favet, cochleare uno bis & ter in die quotidie propinato post pastum & ante pastum; nec metuas noctes infomnes; nequit officere somno sorbitio tam modica, aut brevi restituit usui paulò diutius protractus, quemadmodum & evenit huic potui jam assuetis ætate provectioribus. Quot incommoda tabacho utenti evenère primis temporibus? quæ omnia sensim evanescere usu non interrupto. Quid plura? verum antiscorbuticum audit & prophylacticum eximium quoriscumque vergit in scorbutum sanguinis dyscrasia. *Ubi languet sanguis depauperatus, illum porione Cassé exhilaras; atque ubi crassus hæret ac lutescens, incidis, repurgas, ait peritissimus collega noster.* De tremore artuum quibusdam superveniente, de apoplexiâ; hæmorrhoidibus, cordis palpitazione, de tendinum subultibus dolorificis cum caloris quodam sensu, salubris hujusce nostri potus usum ne infirmes, abusum potiùs dicas. Ideòne vinum è mensis exulabit, (cui eadem probra potiori jure objicias) quia his & pluribus gravioribusque incommodis afficiuntur quicumque extrà modum illud potant? At melius adhuc cum Cassé potioribus agetur quàm cum ebriosi: illis solà aquà liberaliter haustâ, omnia hæc mala citò citius evanescent per urinas sine ullo vel minimo diabetis periculo: mero siderati non ex æquo sublevantur, Vis scire plura! Arcanum meum libens te docebo: abstemius esto! Potui Cassé, vini potus calcar addit: duplicemque sibi comparat longum vigilandi causam qui nimium ex utroque se ingurgitat. At malignè & invidiosè, de noxâ vini liquorumque ardentium (quibus se exleges cum Cassé simul obruunt vinolenti homines) arguunt innocuum divinumque Cassé potum obtrectatores malevoli: aquâ vitæ ergò parcè & rarè, aut nunquam, vino, sicerâ, cerevisiâ, pomaceo aliisque id genus moderatè utantur. Tutè tunc & sine ullo periculo omnis sexus, omnis ætas, omne temperamentum celesti Cassé potui indulgebis.

Ergò omni sexui, omni atati, & omni temperamento salubris Cassé potus.

Proponebat Parisiis, JOANNES-CLAUDIUS MUNIER, Laudonensis, Consiliarius Medicus Regis ordinarius, nec non domus Regiæ Invalidorum ducum & militum, Saluberrimæ Facultatis Medicinæ Parisiensis Baccalaureus, A. R. S. H. 1743. à sextâ ad meridiem.